

四庫全書

經部

欽定四庫全書

詩緝卷三十一

宋嚴粲撰

韓奕

音亦

尹吉甫美宣王也能錫命諸侯

箋曰梁山於韓國之山最高大

為國之鎮所望祀焉故美大其貌奕奕然謂之韓奕也韓姬姓之國也後為晉所滅故大夫韓氏以為邑名焉幽王九年王室始騷鄭桓公問于史伯曰周衰其孰興乎對曰武實昭文之功文之祚盡武其嗣乎武王之子應韓不在于晉乎。疏曰能錫命諸侯謂賞賜韓侯命為侯伯也不言韓侯者欲見宣王之所錫命非獨一國而已故變言諸侯以廣之襄二十九年左傳說晉滅諸國云霍揚韓魏皆姬姓也此韓是武王之子晉之滅韓

未知何君之世宣王之時韓為侯伯武公之世萬已受之蓋晉文侯輔平王為方伯之時滅之也。李氏曰此詩言錫命者蓋宣王錫韓侯以命耳所謂能者蓋錫之者非妄予而得之者非妄受春秋書錫命者三莊公元年王使榮叔來錫公命文元年天王使毛伯來錫公命成八年天子使召伯來錫公命錫之者皆妄予而得之者皆妄受何以能錫命乎

韓侯來朝而歸尹吉甫作詩以送行也

奕奕梁山

傳曰奕奕大也。疏曰梁山韓國所在。曹氏曰漢地理志云禹貢梁山在馮翊夏陽縣

西北而唐同州馮翊縣有韓城古韓國即少梁也。李氏曰禹貢云治梁及岐今在同州彭城縣其後屬晉春秋時梁山崩乃晉望也爾雅云梁山晉望也孫炎維禹注云晉國所望祭則是韓滅之後故以為晉之望維禹

甸之

甸音奠鄭音盛。傳曰甸治也。

有倬其道

倬音卓。箋曰倬若明也。疏曰有倬然若明。

道韓侯受命

李氏曰非韓魏趙之韓乃武王之後左氏所謂邦晉應韓也受命受命為侯伯也邦

音于見僖二十四年。疏曰謂為州牧也。王親命之續戎

祖考

箋曰戎猶汝也。

無廢朕命夙夜匪解

音解。今曰解怠也。

虔共爾位

共鄭音恭。

虔固也。疏曰共恭敬也。

朕命不易

曹氏曰韓侯能繼其祖考朕豈復易

其命

幹不庭方

箋曰作楨幹而正之。蘇氏曰不庭不來庭也。今曰隱十年左傳云以王命討

不庭常武

徐方來庭以佐戎辟

音壁。

首章美宣王能錫命韓侯也宣王命韓侯為州牧是

宣王興衰撥亂之事詩人因地起興以宣王之功配禹也言梁山在韓國之境內奕奕然高大昔有水患乃大禹甸治之也今宣王中興有倬然著明之道俾韓侯受命為侯伯亦在梁山之傍其功與大禹先後相輝也有倬其道言周道粲然復興也宣王親自命之云當繼汝先祖考之舊職無廢棄我之命見韓侯先世嘗為州牧矣親命之者見宣王丁寧告戒之意若曠瘼其官是廢棄朕命也今汝能早夜不怠虔

固共敬爾之職位故朕命不復改易言因其先世之舊也有不來庭之方國汝當作楨榦而正之以佐助汝君謂以王命討不庭也○毛氏以為禹治梁山除水災宣王平大亂命諸侯有倬然之道者也其說為長孔氏釋毛以為美韓侯復禹之功以韓侯配禹儼非其倫失毛意矣功莫大於禹故詩人言人君之功多配禹言之文王有聲言豐水東注維禹之績而繼之以皇王維辟以武王之功配禹也信南山言信彼

南山維禹甸之而繼之以曾孫田之以成王之功配禹也此詩亦以宣王之功配禹也

四牡奕奕

今曰上奕奕為大此亦大也解見車攻

孔脩且張

傳曰脩長也駟傳曰腹

張也韓侯入覲

肥傳曰覲見也

以其介圭

疏曰毛氏為所執之瑞則

此言介圭亦為瑞也今曰箋以為貢國所出之寶今不從

入覲于王王錫韓侯淑

旂綏章

綏毛音綏鄭皆雖。傳曰淑善也交龍為旂綏大綏也。疏曰淑旂旂之善者綏即王制所謂

天子殺下大綏者是也天官夏米注云徐州貢夏翟之羽有虞氏以為綏後世或無染鳥羽象而用之或以旄

牛尾為之綴于幢上所謂注旄于竿首者然則綏者即交龍旂竿所建與旂共一竿為貴賤之表章故云綏章

鄭以綏為所引登車者即少儀所謂執君之乘車僕者負良綏此綏是升車之索當以采絲為之故云綏章謂

有米章也簞第錯衡簞甜之上濁第音弗。箋曰第者車之蔽簞者席之名用席為蔽。傳曰錯衡

文衡也。疏曰錯衡玄衮赤舄。畫音昔。疏曰以玄為衣而置文米為車之衡。玄衮赤舄。畫以衮龍赤舄赤色之舄

鈎膺鏤錫。音漏羊。鈎膺解見采芑。疏曰以鏤金加於馬面之錫風有子之清揚抑若揚兮是揚者人面眉土之

名故云眉上曰揚人既如此則馬之鏤錫施鏤於揚之上矣釋器云金謂之鏤故知刻金為之所謂鏤錫當盧者當

車注亦云錫馬面當盧刻金為之所謂鏤錫當盧者當馬之額盧在眉眼之上。鞞鞞淺幘。音覓。郭反。鞞音弘。幘

所謂鏤錫指此文也。鞞鞞淺幘。音覓。郭反。鞞音弘。幘去毛之皮也。鞞中者淺虎皮淺毛也。幘覆鞞也。疏曰革

鞞革也。鞞鞞中者淺虎皮淺毛也。幘覆鞞也。疏曰革去毛之皮也。鞞中者淺虎皮淺毛也。幘覆鞞也。疏曰革

鞞革也。鞞鞞中者淺虎皮淺毛也。幘覆鞞也。疏曰革去毛之皮也。鞞中者淺虎皮淺毛也。幘覆鞞也。疏曰革

去毛之皮施于軾之中央持車使牢固也獸之淺毛者
唯虎耳轅字禮記作臂周禮作祺字異義同以淺毛之
皮為轅也
絳革金厄絳音條。絳革解見蓼蕭。箋曰金厄以金為小銀往往纏搯之。
較音角
疏曰往往者言其非一二處也

次章述韓侯入覲受錫予也韓侯在道乘奕奕然大
之四牡其形甚脩長而且腹幹肥張將以入京師而
朝覲既至京師乃以其所執之大圭入而朝見于王
王於是錫賚韓侯以交龍之旂擇其善者予之建旂
之竿其上又有大綏以為表章又以漆簞為車之蔽

第又錯置文采為車之衡又以玄為衣而畫以袞龍
又有赤色之烏馬則有婁領之金鉤及馬脅膺有樊
纓之飾又以鏤金加於馬面之錫又以去毛之皮鞞
施於軾中央之鞞又以虎皮淺毛幘覆其軾又有倮
皮為轡首之革以金為小環纏楹之

韓侯出祖

箋曰祖將去而祀軻也既觀而反國必祖者尊其所往去則如始行焉祖于國外畢乃出

宿。祀軻解見生民

出宿于屠

音徒。屠地名也。傳曰

顯父餞之

父音甫。箋曰顯父

周之公卿也。疏曰送行飲酒曰餞

清酒百壺其殽維何魚鼈鮮魚

魚音庖。

鮓鮓解見六月。箋曰鮓魚中膾者也。其鮓維何。鮓音疏曰新殺謂之鮓。魚餒則不任為膾。

傳曰鮓菜般也。疏曰鮓者菜茹之總名。對肉般故云。菜般謂為菹也。維筍及蒲。筍字亦

箋曰筍竹萌也。蒲深蒲也。傳曰蒲蒲弱也。弱音弱。天疏曰醢人加豆之實有深蒲。筍菹是菹有筍有蒲也。

官醢人注云深蒲蒲始生水中是也。蒲始生取其中心入地弱大如匕柄正白生嫩之甘脆。驚而以苦酒浸之。

如食筍法。其贈維何。箋曰贈送也。王既使顯父餞之。又驚黃同。使送以車馬。疏曰贈者以物送

人之名。卿大夫無乘馬路。乘馬路車。乘去聲。疏曰采車之名。則非顯父贈之。乘馬路車。蔽彼路斯何。大夫

亦為路車者。以路名本施人。召盭豆有且。沮之平。箋因其散文。卿大夫亦得稱路耳。盭豆有且。沮多貌。箋

侯氏燕胥。箋曰侯氏諸侯在京師未去者。於顯父餞之時。皆來相與燕胥者也。今日頌有駟于胥。

樂分

三章述韓侯既覲而還也出京師之門為祖道之祭
祖畢將欲出宿于屠地於祖之時王使公卿餞送之
其清美之酒多至于百壺其殽饌有以火煑熟之鼈
與中膾之鮮魚其菽菜有笋與深蒲王贈送之物乃
有四馬與路車其籩豆且然而多其在京師未去之
諸侯於是飲燕而皆在言俱來餞送之也

韓侯取妻

取音娶

汾王之甥

汾音焚。箋曰汾王厲王也厲王流于彘彘在汾水之上

故時人因以號之。猶言莒郊公黎比公也。姊妹之子為甥。比音毗。解頤新語曰：猶晉侯居翼，謂之翼侯。晉人

納諸鄆，謂之鄆侯。鄭叔段居京，謂之京城大叔。叔及出奔，共謂之共叔也。人楚人謂王不終者為敖。葬郊者曰郊

敖。葬嘗者曰嘗敖。其汾王之類乎？說者以莒郊公黎比公為比非也。按左氏傳莒夷無諡，於是而有黎比公。郊公

茲王公著丘公皆以號為稱。蹶父之子，蹶父音甫。傳曰：與汾王以地為稱，不類矣。

蹶父之子，蹶父音甫。傳曰：與汾王以地為稱，不類矣。疏曰：韓侯取妻必于貴家。蹶氏父字不書，國爵則非諸侯。下言靡國不到，則是為王聘使之。人故知卿士也。

韓侯迎止于蹶之里。邑傳曰：里百兩彭彭。百兩解音鵠。考見出車。八鸞鏘鏘，不顯其光。箋曰：不顯，顯也。諸弟從之。弟音

釋文曰：妻之，女弟曰姊。傳曰：諸侯一娶九女，二國媵之。諸姊眾妾也。箋曰：媵者必姊姪從之。獨言弟者，舉

之諸姊眾妾也。箋曰：媵者必姊姪從之。獨言弟者，舉

其貴者。疏曰莊十九年公羊傳云媵者何諸侯娶一國則二國往媵之以姪娣從姪者何兄之子娣者何女弟也諸侯一娶九女祁祁如雲傳曰祁祁徐靚也如靚音衆多也靚音靜韓侯顧之爛

其盈門

四章述韓侯取妻也韓侯既覲而還遂以親迎所娶乃是厲王之外甥是卿士蹶氏父字之子言尊貴也韓侯親自迎之於彼蹶父之邑里其迎之時有百乘之車彭彭然壯盛每車皆有八鸞其聲鏘鏘然而鳴車馬之盛禮儀之備豈不顯其有光榮乎其妻出於

蹶父之門諸娣媵妾隨而從之其行祁祁然徐靚如雲之衆多韓侯回顧而視之見其鮮明粲爛盈滿於蹶父之門也

蹶父孔武靡國不到為韓姑相攸為去聲。姑其一反。相去聲。傳曰姑蹶父

姓也。箋曰攸所也。莫如韓樂音洛孔樂韓土川澤訏訏音訏。訏訏大

也。魴魴甫甫魴音序。魴魴解見齊。弊音。傳曰甫甫大也。鹿鹿嘒嘒鹿音憂。嘒音禦。

。傳曰嘒。嘒衆也。有熊有羆音碑。解見斯干。有貓有虎貓苗茅二音。傳曰貓似

虎淺毛者也。慶既令居令去聲。箋曰令善也。韓姑燕譽

五章述蹶父相攸也蹶父甚武健嘗為王使於天下
無國不到為其女姑氏相視其所居無如韓國最樂
甚樂矣韓國之土也川澤訐訐然大魚鱖甫甫然大
鹿鹿嘯嘯然衆又有熊羆貓虎此四獸能為人患而
言之者見有深山大澤為大國也蹶父既喜慶其有
此善居韓姑則安之而又有顯譽王氏曰韓侯取妻
何預于王政而詩
言此蓋汾王失道王室幾喪為諸侯所卑則王甥亦
安能相攸惟宣王任賢使能然後汾王之甥更為樂
國賢君之所願娶而威儀備具光顯如此乃所謂邦
之榮懷也。詩記曰詩人述宣王能錫命諸侯而國

道其娶之盛王室尊安人情暇樂莫不在其中矣

溥彼韓城

溥音普。箋曰溥大也。

燕師所完

燕王肅平聲。毛鄭如字。完音栢。王肅曰

燕北燕國。朱氏曰燕召公之國也。韓初封時召公為司空。王命以其衆為築此城。如召伯營謝山甫城齊春

秋諸侯城邢城。楚丘城緣陵城。杞之類皆合諸侯為之。霸令尚如此。則周之盛時。命燕城韓固常政也。傳曰

師衆也。以先祖受命

傳曰韓侯之子也。

因時百蠻

箋曰韓侯先祖封為

韓侯居韓城為侯伯其州界外接蠻服。因見使時節百蠻貢獻之往來。後君微弱用失其業。今王以先祖韓侯

之事如是而韓侯賢故於入覲使復其先祖之舊職。疏曰其有貢獻往來為之節度也。四夷之名南蠻北狄

散則可以相通故也。

王錫韓侯其追其貆

追如字。又音堆。貆音陌。傳曰

追我狄國也。箋曰：其後追也。貉貉也。為獾狢所逼，稍
稍東遷。○疏曰：稍稍東遷者，以經傳說貉多是東夷，故
職方掌四夷九貉。鄭志答趙商云：九貉即九夷也。又秋
官貉隸注云：征東北夷所獲是貉者，東夷之種而分居
於北故於此時貉為韓侯所統。魯頌云：淮夷蠻貉莫不
率從。是於魯僖之時，貉近魯也。至於漢氏之初，其種皆
在東北於并州之北。奄受北國。撫傳曰：奄因以其伯。箋曰：

其先祖侯伯之事盡予之。○疏曰：夏官職方氏正實墉

實墉傳曰：言高其城深其壑。○箋曰：韓侯之先祖微弱

疏曰：上論韓城既完，則實墉實壑，非韓之城壑自然。是

既復舊職而實畝實籍。箋曰：籍獻其貔皮。獸曰：貔，白狐。

其子穀穀呼木反音煇。郭璞曰一名執赤豹黃羆。疏夷虎豹之屬。陸璣曰貌似虎或云似熊。毛赤而文黑謂之赤豹。毛白而文黑謂之白豹。有黃羆有赤羆。大於熊其脂如熊白而麤理不如熊白美也。禹貢梁州貢熊羆狐狸是中國之常貢此則北夷自以所有而獻之所謂各以貴寶也。

六章述韓侯總統百蠻也。溥大矣。韓國之城其初封之時乃召公為司空以燕國之衆築完之。韓國之城舊矣。宣王以此韓侯之先祖嘗受王命為一州之伯。因其國近蠻使時節百蠻之貢獻。韓侯先祖既如此。故今宣王賜韓侯以追人貊人撫受北方之國。因以

其先祖侯伯之事盡與之使復為州牧也中間韓侯
之先微弱所受之國多滅絕今復舊職興滅國繼絕
世令築其城墉深其池塹正其田畝定其稅籍皆使
之復於故常又令百蠻追貊獻其貔獸之皮及赤豹
黃羆之皮於王而韓侯總領之也

韓奕六章章十二句

江漢尹吉甫美宣王也能興衰撥亂

疏曰於時淮水之上有夷不服是衰

亂之事而命將平定是興撥之事也此實平定淮夷耳而
言興衰撥亂者見宣王之所興撥非獨淮夷而已故

言興撥

以廣之
命名公平淮夷

陳氏曰淮夷而地不一徐州在淮北徐州有夷則淮夷之在北

者也揚州在淮南揚州有夷則淮夷之在南者也江漢常武二篇同為宣王之詩而同言淮夷召虎既平淮夷而告成于王矣常武之詩又曰鋪敦淮漬仍執醜虜故知淮夷之地不一以地理考之曰江漢之詩王命召虎者是淮南之夷也若在淮北則江漢非所由入之路矣曰率彼淮浦省此徐土者是淮北之夷也若在淮南則徐土非聯接之地矣。疏曰召公伐淮夷當在淮水之南魯僖所伐淮夷應在淮水之北當淮之南北皆有夷矣

此詩王命召虎平淮南之夷也

江漢浮浮

疏曰禹貢嶠冢尊漾東流為漢又東為滄浪之水過三澨至于大別南入于江是至大別

之南漢與江合而東流漢地地理志大別在廬江安豐縣界則江漢合處在揚州之境浪音郎。渤海胡氏曰杜

預云禹貢漢水至大別南入江在今漢陽軍之大別山山在廬江安豐縣按漢水入江乃今漢陽軍之大別山山之

北漢口是也漢口亦曰沔口亦曰夏口江東即鄂州江夏郡也至安豐一千五百里豈江漢相合古今不同哉

水。今曰浮浮貌武夫滔滔音叨。王氏曰滔滔以其匪安衆逝也。蘇氏曰順流貌。匪安

匪遊淮夷來求疏曰正是來求淮夷古人之語多倒。今曰左傳宣十二年趙括趙同云率師。

以來唯既出我車既設我旗旗解見匪安匪舒淮夷來

鋪平聲。朱氏曰鋪陳也陳兵以伐之。也。今曰即常武鋪敦淮潰之鋪。

首章述進兵也興也宣王命名虎平淮南之夷由江

漢進兵因以起興言江漢合流浮浮然水滿而流猶
士卒滔滔然順流而下其勢不可禦也即常武如江
如漢之意也持重之師不貪利疾趨疑於遲緩故言
非敢安處非敢遊息當時南征北伐四方略定惟淮
夷未平故召公從容臨之而有餘也此行止為淮夷
而來求討其罪耳見餘方已定也既已出我戎車既
已張設我旗非敢安處非敢寬舒止為淮夷而來陳
兵以伐之耳匪安匪遊匪安匪舒即常武匪紹匪遊

之意也

江漢湯湯

音商。釋文曰湯湯流盛也。

武夫洸洸

音光。又音汪。傳曰洸洸武貌。李

氏曰有洸有潰是亦武貌。

經營四方

李氏曰所謂經營四方但是經

有事于四方夷狄耳。

告成于王

箋曰克勝則使傳遽告成于王。傳張戀反。疏曰傳遽若今時乘驛

遞傳而遽疾故謂之傳遽也。

四方既平王國庶定

箋曰庶幸也。庶時靡有爭

王心載寧

箋曰載之言則也。

次章述告成也江漢之水湯湯然流盛興武夫洸洸

然武壯召公之伐淮夷所以經營四方之治也淮夷

止是南方南方未寧則四方皆將騷動故經營南方而謂之四方也告功于王南方既定則四方皆已平矣外寧則內安故王國幸已安定無有叛戾乖爭者向也宣王以天下未安為憂今則可以安寧矣江漢不言戰事首章言王師之持重二章即言告成蓋淮夷望風而服不待戰也○周興西北岐豐去江漢最遠故淮夷最難服從化則後乎倡亂則先動周人經理淮夷用力最多成王初年淮夷同三監以叛其後

又同奄國以叛伯禽就封又同徐戎以叛至厲王之
時四夷交侵宣王一命吉甫北方旋定繼命方叔伐
蠻荆其後又命召公平淮南之夷又命皇父平淮北
之夷蓋南方之役至再至三淮夷未平則一方倡亂
天下皆危故至淮夷平然後四方平此江漢常武所
以為宣王之終事而繫之宣王大雅之末也

江漢之潁

音虎沈音許。箋曰潁水涯也。今曰江漢之潁指江北接淮南之地也。

王命召

虎式辟四方

辟音闢

徹我疆土匪疚匪棘

疚音救。箋曰疚病也棘急也。

王國來極

箋曰極中也使來于王國受政教之中正

于疆于理

疆理解見信南山

至

于南海

詩記曰淮夷在南故極其遠而言之曰至于南海

三章述平賦也上章告成則淮夷平而四方無事矣

古人伐叛討貳之後則必去其苛政平其賦歛以慰

民心故此章言徹法之事召虎既成功于江漢之潁

王因命名虎由此地以開闢四方而施徹法於疆土

武事僅定而即行疆理賦稅之法疑于病民且疑于

急迫矣宣王謂我非疚也非棘也蓋什一天下之中

正乃我周之定制欲天下皆於王國來取中焉耳名
公宜往而疆之以正其疆界往而理之以分其土宜
推而至于南海之遠淮夷在南故曰至于南海

王命召虎來旬來宣

來毛如字鄭音齊旬音巡又音荀傳曰旬徧也。今日桑柔其下

侯旬傳云陰均也此亦為均又易豐卦雖旬无咎注旬均也。蘇氏曰宣布也

文武受命召公

維翰無曰予小子召公是似

傳曰似嗣也。箋曰女無減損曰我小子耳女之所

為乃嗣女先祖召康公之功

肇敏戎公

肇音兆。詩記曰肇始也。傳曰敏疾也。公事也。箋曰

戎猶汝也

用錫爾祉

音恥。釋文曰祉福也

四章述褒功錫祉也武功已成疆理已定故此章美召虎之功而錫命之言向者淮夷之民獨不霑王化是不均也由淮夷之君壅遏而不宣也王之命召虎來此南方使旬均之而無外宣布之而無壅也昔文王武王受天命之時汝祖康公為翰幹之臣汝召虎無自謙曰我小子耳今汝之功乃足以繼嗣康公我用此賜汝以福即下章所陳是也○舊說以為述康公之功以勉虎如此則與用錫爾祉及下章意不接

續此詩武功已成當為美其克紹康公也

釐爾圭瓚

釐音離瓚才贊反。傳曰釐賜也。九命賜圭瓚。瓚。疏曰賜汝以圭柄之玉瓚。解見

旱秬鬯一卣

秬鬯音巨暢卣酉由二音。秬鬯釋草曰秬黑黍傳曰鬯香草也。築蕡合而鬱之曰

鬯。箋曰秬鬯黑黍酒也。謂之鬯者芬香條鬯也。疏曰禮有鬱鬯者築鬱金之草而蕡之使之芬香條鬯也。毛言秬鬯者必和鬱乃名鬯也。春官鬯人注云秬鬯不和鬱者自名為鬯不待和鬱也。春官鬯人注云秬鬯不和鬱者是黑黍之酒即名鬯也。鬱人掌和鬱鬯明鬯人所掌未和鬱也。故孫毓云鬱是草名今之鬱金蕡以和酒者也。鬯是酒名非草名。箋說為長。卣釋器曰彝卣鬯器也。卣中尊也。釋曰孫炎云尊彝為上壺為下卣居中郭璞云不大不小者是在壺彝之間案禮圖六彝為上受三斗六尊為中受五斗六壺為下受一斛春官鬱人掌

和鬱鬯以實彝而陳之則鬯當在彝而此及尚書左傳皆云秬鬯一卣者當祭之時乃在彝未祭則在卣賜時

未祭故告于文人傳曰文人文德之人也。朱氏曰先

人而錫之。今曰下云于岐周錫山土田于周受命今

此周當指豐也。文王之廟在馬箋以為岐周疏申箋義以為岐周有別廟錢氏以為鎬京今皆不從解見崧高

于鄙餞自召祖命曹氏曰虎拜稽首稽音啓。今曰舜典

春官大祝辨九摅一曰稽首摅音拜天子萬年箋曰君

以報謝者稱言天子萬年恩無可

五章述受賜報上之意也。今賜汝圭柄之玉瓚副以

秬鬯之酒以一卣尊盛之乃告于文德之人文王而
賜之又賜之以山川又加益以土田令虎往豐邑以
受命于文王之廟蓋自乃祖康公已受此命美其世
勲也虎受君恩祝君壽考而已

虎拜稽首對揚王休

箋曰對答也休美也陳氏曰王之休命也

作召公考

箋曰作為也傳曰考成也

天子萬壽明明天子令聞不已

問音矢

其文德

傳曰矢施也

洽此四國

錢氏曰洽浹洽也

六章申報上之意而納君於德也對揚如傳說對揚

天子之休命對謂答其命揚謂奉揚而行之也成者
毀之對康公立大勲於王室而後嗣子孫不能繼之
則康公之功業將毀矣王稱虎能繼康公之功虎謂
王命如此我不敢不勉期為康公之成謂不毀墜其
功也於是祝君不徒得萬年之壽願君德明而益明
其善譽垂于無窮惟施其文德以浹洽四方之國而
用武之迹泯矣宣王方以武功褒虎而虎乃以文德
勉宣王蓋不矜己之功而納君于德意度遠矣

朱氏
曰言

武功之不可恃
亦所以戒之也

江漢六章章八句

常武召穆公美宣王也有常德以立武事因以為戒然

朱氏曰詩中無常武字召穆公特名其篇蓋有二義有常德以立武則可以武為常則不可此所以有美而有戒也。解頤新語曰召穆公之意謂德為可常武不可廢故先極言其用兵之盛以滿其志卒章乃陳警戒之言故其言易入也昔之為詞賦者或竊取其義而後人以曲終奏雅勸百諷一譏之是不知其得古詩之意也

此詩王親征淮北之夷及徐方也召公既平淮南之夷未幾淮北之夷復挾徐方以叛宣王於是親征之

王肅述毛以為王不親行王基述鄭以為王自親行
詩言有嚴天子王舒保作王奮厥武皆以王言之今
從王基述鄭為王親征宣王憤揮天戈克淮服徐無
不如意召公慮其狃勝而喜功也故因美而戒之伐
淮有進厥虎臣仍執醜虜是戰而勝也徐方畏威不
戰而服也

赫赫明明

今曰赫赫威嚴也明明光顯也

王命卿士

卿士解見十月之交

南仲大

祖

大音泰

大師皇父

父音甫。箋曰南仲父王時武臣也宣王之命卿士為大將也乃用其以

南仲為大祖者今大師皇父是也命將必本其祖者因有世功於是尤顯。疏曰十月之交皇父與此皇父得為一人或皇氏父字傳世稱之亦未可知也。李氏曰十月之交所稱皇父疑是此詩皇父之後也。陳氏曰自家宰而下謂之六卿大師而下謂之三公既曰王命卿士又曰大師皇父古者三公官不常有或以卿士之長者上行其事春秋之時所謂宰周公是也。整我六師以脩我戎既敬既戒

惠此南國

首章述命元帥也赫赫然威嚴明明然光顯者是宣王之命卿士為大將也所命之卿士言其世則以南仲為大祖言其官則大師言其人則皇父俾之整齊

我六軍之衆以治我甲兵之事也南仲大祖世將也
大師將尊也六師師衆也著皇父其人賢也此王命
所以威嚴光顯有以服衆望而重國勢也又命之以
師嚴器備當恭敬而臨之戒懼而處之以惠南方之
國淮夷徐戎挺亂南國皆被其禍宣王之師蓋除暴
以安民也

王謂尹氏

傳曰尹氏掌命卿士。箋曰天子世大夫也。疏曰即內史也其職云凡命諸侯及孤卿

大夫則策命之是也此時尹氏當命程伯休父
傳曰程伯休父是尹吉甫也吉甫為卿而兼內史

始命為大司馬。疏曰：楚語云：重黎世敘天地，其在周程伯休父其後也。當宣王時，失其官守，而為司馬氏。章昭云：程國伯爵，休父名也。案父左右陳行，曰：音航。行列也。箋：戒宜是字，而昭以為名，未能審之。

我師旅率彼淮浦

音普。箋曰：率，循也。傳曰：浦，音涯也。說文曰：水濱也。

省此徐

土

疏曰：此徐當謂徐州之地，未必即是春秋之時。非能背叛之國，何則？春秋之世，徐國甚小，宣王之時，非能背叛。

而使王親征之，六軍並出，則是強敵者也。明非春秋徐國，但不知於時之君何姓名耳。

不留不處

三事就緒

箋曰：三農之事，皆就其業。疏曰：太宰九職，三農生九穀，注云：三農原隰及平地。朱氏

曰：上中下農夫也。錢氏曰：緒，事端也。就其緒，不中輟。

次章述命副誓師以征淮徐也。上命大師為元帥，此

命卿為司馬以副之王謂內史尹吉甫曰汝當為策書命此程國之伯名休父者為大司馬內史掌策命諸侯孤卿大夫司馬大師掌其戒令也即言所命之意今軍出之時使司馬令其士衆左右陳其行列戒勅我師旅曰往循淮之浦涯謂征淮夷也省察此徐之國土謂征徐方也不久留不停處以患苦其民使三農之事皆就其業不中輟也徐戎淮夷自伯禽就封之初同惡相濟其來有素今又相挺而起為禍不

淺故王親征之也

曹氏曰傳云師之所處荆棘生焉大軍之後必有凶年故必不留不

處然後三農得以就緒

赫赫業業

今曰赫赫威嚴也業業考見雲漢○傳曰業業動也

有嚴天子

嚴鄭如字毛上

聲

王舒保作

傳曰舒徐也保安也○箋曰作行也

匪紹匪遊

箋曰紹緩也

徐方

繹騷

朱氏曰繹連絡也騷擾動也

震驚徐方

箋曰震動也

如雷如霆

解見米芾

徐方震驚

三章述親征之先聲也言王師之行赫赫然威嚴業

業然震動者是尊嚴之天子也王乃舒徐而安行依

於軍法日行三十里非紹緩也非遨遊也進兵不急
人自畏威徐方之人皆絡繹騷動矣奮揚威武以震
動驚懼於徐方如雷之發聲如霆之迅擊而徐方之
人莫不震動而驚懼矣必震驚之者使懼而服也宣
王先征淮夷而後及徐方此兵行猶未及淮夷而徐
方已震驚蓋淮夷服屬於徐舉其大者言之也

陳氏曰徐

大而淮夷小淮夷即徐州之夷而服屬於徐曰徐方者兼徐淮而言之曰徐國者特言徐戎也

王奮厥武

釋文曰奮揚也

如震如怒進厥虎臣

朱氏曰進鼓而進之也

闕

如虢虎

關呼滅反虢火交反。今曰鋪敦淮漬

鋪平聲敦如字

鋪平聲敦如字

漬音汾

箋曰鋪陳也。王氏曰敦厚也。傳曰漬涯也。疏曰漬謂崖岸狀如墳墓。

仍執醜虜

傳曰仍就也。疏曰醜衆也。虜者四繫之名為人虜獲是屈服也。

截彼淮浦

朱氏曰截然不可犯

王師之所

四章述征淮也。宣王親征淮浦，奮揚其威武如雷之

震如人之怒，乃鼓而進其如虎之臣，其聲闐然如虢

怒之虎，乃陳敦厚之陣於淮水之漬涯。師衆則陣厚

也就執其衆虜之降服者，截然整齊於彼淮浦之上。

是主師之所處也

王旅嘽嘽

音灘。朱氏曰嘽嘽衆盛也。有考見四牡。

如飛如翰

傳曰疾如飛擊如翰。

○箋曰飛如鳥之飛翰其中豪俊也。○疏曰擊擊也翰是飛之疾者言其擊物尤疾若鷹鷂之類。如江

如漢

箋曰江漢而言如江如漢者以江漢為九州之最大天

下所共知猶邛谷風言涇以渭濁亦非土風也江漢常武之詩皆以江漢喻王師但江漢浮浮則喻盛大而不

可禦

如江如漢則止喻盛大下

如山之芭

傳曰芭本也

以喻不可驚動也

如川之流

箋曰川流以喻不可禦

止緜緜翼翼

李氏曰緜緜不可得而絕翼翼不可得而亂。○陳氏曰緜緜無隙之可尋翼翼間整

而不可亂。○歐陽氏曰：繇，繇連屬貌。○翼翼，考見采薇也。

不測不克，濯征徐國。

傳曰：濯，大。

五章述移師征徐也。上既克淮浦，此又進而伐徐王之師。旅，嘽嘽然衆盛；其行動之疾也。如鳥之飛，其赴敵之速也。如摯之翰，其軍之衆多也。如江漢之廣大，其固守而不動也。如山之基本，其往戰而不可禦也。如川之流逝，繇繇然密不可得而絕。翼翼然整不可得而亂，不可測度，不可克勝。以此大征徐國，言必勝。

也

王猶允塞

蘇氏曰猶道也。○箋曰允信也。○朱氏曰塞充塞也。

徐方既來

箋曰已來告服

徐方既同

疏曰與他國同服于王

天子之功四方既平徐方來庭

傳曰來王庭也

徐方不回

今曰回轉也不回謂既服而不復叛也

王曰還歸

箋曰振旅

也

六章言徐服而天下定也方移師以臨徐方徐方畏
懾不戰自服於是美宣王之道允信塞實故能致徐
方之來服蓋以道勝非以力勝也前此三方已定唯

徐自異今其來同是天子之功也徐方既服則四方皆已平定徐方來在王庭其心不復回轉則天下晏安不須用武王乃告之曰可以還歸矣不黷武也王猶允塞王曰還歸皆因以為戒也

常武六章章八句

瞻卬

音仰

凡伯刺幽王大壞也

箋曰凡伯天子大夫也春秋魯隱公七年冬天王使

凡伯來聘○疏曰凡國伯爵禮侯伯之入王朝則為卿士故板箋以凡伯為卿士此言大夫者大夫卿之總稱也所引春秋者凡伯世稱之不謂與此為一人也○曹氏曰板厲王之末而幽王大壞之時凡七十餘年矣決

非一人猶
家父也

瞻卬昊天則不我惠

箋曰惠愛也

孔填不寧

填音陳○傳曰填久也○今曰

桑柔倉降此大厲

傳曰厲惡也

邦靡有定士民其瘵

音再○傳曰瘵

病蟲賊蟲疾

蟲音牟○蟲賊解見大田○疏曰蟲賊是害禾稼之蟲蟲疾是害禾稼之狀

靡

有夷屆

音界○王氏曰夷平也○箋曰屆極也

罪罟不收靡有夷瘳

音抽○傳

曰瘳愈也

首章述遭虐政仰天而訴之言天不惠愛我使我甚久不安矣天命幽王為君是降此大惡使邦靡有定

而為士為民者皆病也小人為民之害如蟲賊之蟲以蟲疾禾稼無有夷平屆極之時又施刑罪以羅網天下而不收斂無有夷平瘳愈之時

人有土田女反有之人有民人女覆奪之

覆音福○箋曰覆猶反也

此宜無罪女反收之

傳曰拘收也

彼宜有罪女覆說之

說音稅一

音脫○傳曰說舍也

哲夫成城

傳曰哲知也知音智○箋曰哲謂多謀慮也城猶國也

哲婦

傾城

次章述刑罰無倫也諸侯卿大夫有土田人民者汝

反奪而有之無故黜削之也此當無罪者汝反拘收
之彼當有罪者汝反脫免之刑罰顛倒如此皆由褒
姒亂政也城喻國也傾覆也言男子正位于外故以
括而立國婦人以無非無儀為善括則適以覆國而
已

懿厥括婦為臯為鴟

箋曰懿有所痛傷之聲也臯鴟惡聲之鳥喻褒姒之言無善○疏曰

懿與噫字雖異音義同噫者心不平而為聲

婦有長舌維厲之階亂匪降自

天生自婦人匪教匪誨時維婦寺

傳曰寺近也○箋曰長舌喻多言語階所

由上下也。○疏曰：以舌動而為言，故謂多言為長舌。論語云：駟不及舌，亦謂言為舌也。

三章言哲婦之害而及寺人也。噫，哲婦而為梟鴟，蓋以多言而為禍亂之階也。然則亂豈降自天哉？特由此婦人而已。蓋其言雖多，而非有教誨之者是。惟哲婦與寺人耳，豈可近哉？上文但言婦人之禍，末句兼以寺人為言，蓋二者嘗相倚為奸，不可不并以為戒也。

勸人忮，忮譖始竟，背豈曰不極。伊胡為慝。

勸居六反，忮之鼓反，忮他

得反譖本又作僭子念反背音佩惡他得反○傳曰收害忒變也○箋曰勸窮也譖不信也竟猶終也胡何惡惡也○疏曰勸窮釋言文釋言云爽忒也孫炎曰忒變雜不一竟者卒盡之義如賈三倍君子

是識

箋曰識知也

婦無公事休其蠶織

四章申婦寺之害也婦寺之輩以收害變化而窮屈人不可究詰始則譖毀之終則棄背之其為惡豈不極至乎何故為慝惡而不已也商賈有三倍之利者賤丈夫之所為而君子反知之婦人不宜與外事今乃休其蠶桑織紝之事而與朝廷之事皆非其宜也

天何以刺

傳曰刺責也

何神不富

傳曰富福也

舍爾介狄

舍音捨蘇氏

曰介大也

維予胥忌不弔不祥威儀不類

傳曰類善也

人之云亡

箋曰奔亡也○今日猶何聞信亡之亡

邦國殄瘁

五章述災譴之由也天何為出譴告以責王乎何為

神亦不福王而降災害乎王不能反躬修省將有夷

狄之大患顧舍之不以為忌而反以我為忌惡聞忠

言也天降不祥以譴告王而王曾不弔愍無恐懼之

心故不敬謹其威儀其威儀不善矣又善人皆逃去

無以輔正之則國之殄絕瘁病必矣

天之降罔維其優矣

蘇氏曰優多也

人之云亡心之憂矣天之

降罔維其幾矣

幾當音機傳曰幾危也

人之云亡心之悲矣

六章七章憂亂也天降禍以為羅網多於前矣

鬻沸檻泉

鬻沸音必弗檻街之上濁○解見米菽

維其深矣心之憂矣寧

自今矣不自我先不自我後藐藐昊天

藐音莫○朱氏曰藐藐高遠貌

無不克鞏

傳曰鞏固也

無忝皇祖式救爾後

檻泉從下上出鬻沸然其來不竭喻己之憂未有已

也不出我之不前不居我之後適當其時是我之不幸也
也藐藐高遠之昊天仁愛人君無不克鞏固其命幽王苟能改圖而為善庶幾不辱其祖宗往者不可諫來者猶可追所謂式救爾後也幽王大壞至此凡伯尚欲救之拳拳之忠不能自己也

瞻印七章三章章十句四章章八句

召旻

音邵閩

凡伯刺幽王大壞也旻閔也閔天下無如召

公之臣也

朱氏曰因其首章稱旻天卒章稱召公故謂之召旻以別小旻而已序云旻閔也閔天下

無如召公之臣
蓋已衍說矣

旻天疾威天篤降喪瘵我饑饉

瘵音顛○箋曰瘵病也

民卒流亡

箋曰卒盡也

我居圉卒荒

圉音語○箋曰國中至邊竟盡空虛○疏曰居謂城中所居之處圉

境謂邊

首章愬亂也呼旻天而愬之曰天之降禍甚疾暴而
威虐矣天厚降喪亡之禍病我以饑饉民盡流亡我
所居國中及邊圉盡荒虛也

天降罪罟

詩記曰天降罪罟罟蟲賊內証音紅○傳所謂天之降罔也証潰也昏椽

靡共

也。擄音卓。共音恭。○箋曰：昏擄皆奄人也。昏其官名也。擄，毀陰也。○疏曰：天官闡人司晨昏以啓閉。

者潰潰回適

傳曰：潰，潰亂也。○實靖夷我邦也。○傳曰：安

夷平也

次章及三章言羣小致亂也。天降刑罪以羅網天下

故使小人如害禾稼蟲賊之蟲。訐潰於內又昏擄奄

人皆為不恭潰潰然亂為邪僻之行者乃使之安靖

平夷於我邦任非其人也

臯臯訛訛

臯音羔。訛音紫。○王氏曰：臯臯緩而不供。曾

不知其玷

點店二音○箋曰玷缺也

兢兢業業

曰危動恐懼也考見雲漢

孔填不

寧

填音陳

我位孔貶

彼檢反○傳曰貶隊也○箋曰言見侵侮政教不行後犬戎伐之而周與

諸侯無異

皐皐然頑緩而不供職訛訛然以謗毀為事乃曾不知其為玷缺也天下之人兢兢而戒謹業業而危恐甚久不安也我王之位甚貶隊矣言衰微也

如彼歲旱草不潰茂

傳曰潰遂也○曹氏曰潰訓散又訓亂草散亂則茂盛故歲旱無雨

澤則草不潰茂如彼棲苴

棲音西苴音茶○傳曰苴水中浮草也

我相此邦

相去聲

無不潰止

箋曰潰亂也

四章言凋瘵也天下之人如旱歲之草皆枯槁無潤澤不潰遂而茂盛如木上棲枯草豈復有生理我視此邦無不潰亂矣○今考邶谷風有洸有潰潰怒也小旻是用不潰于成召旻草不潰茂潰遂也召旻潰潰回適無不潰止潰亂也項氏云水之潰者其勢橫暴而四出故怒之盛者為潰怒遂之盛者為潰遂亂之盛者為潰亂皆一理也

維昔之富句不如時維今之疚句不如茲彼疏斯粃敗音

○箋曰疏麤也謂糲米也胡不自替傳曰替廢也職兄斯引

兄音況○箋曰職主也○傳兄茲也○兄解見桑柔

五章言小人宜退也昔時之富不如今時也今時之病未有如此之甚也本不如此特小人壞之耳苟小人退而君子進則其病去矣故言彼小人如疏麤之糲米此君子如精粃彼小人何為不自廢退以避君子乃職主援引其黨乎言小人方植黨自固豈肯退

也

池之竭矣不云自頻

如字○傳曰頻厓也

泉之竭矣不云自中溥

斯害矣

箋曰溥猶徧也

職兄斯弘

箋曰弘大也

不裁我躬

六章申言小人之害也池水由外灌其竭也不云自頻厓之不入乎泉水從中以益其竭也不云自中不出乎喻內外耗竭也溥徧被害而小人猶主弘大之是豈不裁我身乎亂則爾小人亦受禍也

昔先王受命有如召公曰辟國百里

辟音闢○傳曰闢開也

今也

日蹙國百里

蹙音足○傳曰蹙促也

於乎哀哉

於乎音烏呼

維今之人

不尚有舊

七章思召康公而惜王之不用舊人也昔文王武王

受命有臣如召康公日開辟國土以百里謂歸附日

衆也今也日蹙國百里嗚呼可哀也已在今之人不

尚有老成舊德者乎雖有之而不肯用也

召旻七章四章章五句三章章七句

詩緝卷三十一

欽定四庫全書

經部

詩輯卷三十二至

詳校官監察御史臣孫家賢

通政使司副使臣莫瞻菴覆勘

總校官進士臣繆琪

校對官中書臣潘奕雋

謄錄監生臣牟焜

謄錄監生臣王遇亨

欽定四庫全書

詩緝卷三十二

宋嚴粲撰

清廟之什 周頌

譜曰周頌者周室成功致太平德洽之時其作在周公攝政成王即位之初○疏曰雅不言周頌言周者以別商魯也周蓋孔子所加也先代之頌必是獨行為一代之法孔子論詩乃次魯商於下以示三代之法既有商魯須題周以別之故知孔子加周也頌序稱祀告及朝廟於廟之事亦多矣唯敬之小毖不言廟祀而承謀廟之下亦當於廟進戒廟中求助者○蘇氏曰周頌皆有所施於禮樂蓋因禮而作頌非如風雅有徒作而不用

者也。周頌篇第之先後則不可究矣。朱氏曰：周頌三十一篇，多周公所定，周頌多不協韻，未詳其說。○補傳

曰：周頌皆一章，商周二頌皆用，以告神明而魯頌乃用，以為善禱。後世文人獻頌，特効魯耳，非商周之舊也。○

清廟祀文王也。周公既成洛邑，

朱氏曰：王在新邑，烝祭歲，文王騂牛一，武王騂

牛一，實周公攝政之七朝。諸侯時相成王，以朝諸侯而

已。周公非自居南面而受諸侯之朝也。明堂率以祀文

王焉。疏曰：祀文王之樂歌也。祭宗廟之盛，歌文王之德，莫重于清廟。故為周頌之首。○今考疏以周頌皆

樂歌下，皆同。

於穆清廟

於音烏。傳曰：於歎辭也。穆，美也。○釋肅，雖文曰：清廟者，杜預云：肅然清靜之廟也。肅，雖

顯相

去聲。傳曰肅敬也。雖和也。相助也。○箋曰有光明著見之德者來助祭。○詩記曰士虞禮祝辭云

哀子某哀顯相夙興夜處不寧然則自主人之外餘皆顯相也。成王祭主也。周公及助祭之諸侯皆顯相也。

濟濟多士

濟齊之上。○濟濟解見文王。○詩記曰顯相多士廣言助祭之人凡執事者皆在也。秉

文之德

今曰秉持謂不忘也。

對越在天

曹氏曰對答也。越揚也。駿奔

走在廟

駿音峻。○疏曰駿疾也。詩記大傳亦云駿奔走疾奔走言勸事也。

不顯不承

朱氏

曰承謂見尊奉也。

無射於人斯

射音亦。○傳曰射厭也。○朱氏曰斯語辭也。

嗚呼美哉此祀文王清靜之廟也有肅肅其敬雖雖

其和者顯相之人也稱助祀之人曰顯相者謂其有

顯著之德美稱之也此濟濟然衆士皆秉持文王之德不忘於心也答揚於在天之靈謂如見文王洋洋在上也鬼神本無迹對答之則如與之接發揚之則在隱若顯也疾奔走於在廟之事謂敏于趨事無敢後先也於是贊美文王之德豈不顯乎豈不奉承於

人乎無厭射於人矣

疏曰書大傳說清廟云周公升歌文王之功烈德澤苟在廟中

嘗見文王者愀然如復見文王焉○詩記曰相維辟公天子穆穆言顯相之肅雖則成王穆穆然奉祭之氣象不言可見矣○劉氏曰文王之德至矣不可得而形容所可述者特見于多士所秉而已

清廟一章八句

維天之命太平告文王也

大音泰。蘇氏曰：天下大平，以為文王之德之致也。故以

告之

維天之命

箋曰：命猶道也。程子曰：天命即天道也。以其用言之，則曰：命造化之謂也。又曰：言天命

之自然者曰：天道。言天之賦與萬物者曰：天命。

於穆不已

於音烏。○於穆解見清廟。○疏曰：易繫辭

云曰：往則月來，暑往則寒來，象曰：天行健，是天道不已止之事也。

於乎不顯

於乎音文

王之德之純

子思子曰：純亦不已。程子曰：純則無二，無雜不已，則無間斷先後。○張子曰：純則

舉大假以溢我

假蘇音假。毛音暇。溢音逸。○蘇氏曰：假本也。○箋曰：溢盈溢也。○歐陽氏曰：如

水溢而旁及也。我其收之。朱氏曰：收謂不敢受也。今駿惠我文王。

駿。箋曰：駿，大也。惠，順也。曾孫篤之。箋曰：曾，猶重也。自孫之子而下，先祖皆稱曾孫。傳曰：篤，厚也。

鑿說之害亦有衍說之害如此。詩記曰：說詩者非惟有厚行之於文義，未有害也。然詩人之意本勉後人篤厚之而不忘所謂行者固亦在其中矣。但曰曾孫篤之，則

意味深長，衍一行字意味却短。至王氏遂云篤力行而有所至說益詳而無復餘味矣。凡諸說皆當以此例之。

天之賦予萬物謂之命，即天理也。於乎美哉，是天之運行不已也。造化之機或息則其賦物者窮矣。於乎甚顯者是文王之德純一也。純則無二無雜矣。凡言

聖人如天者以此擬彼天與聖人猶為二也此詩但以天命之不已與文德之純對立而並言之天之為文王邪文王之為天邪蓋有不容擬議者子思子發明之曰天之所以為天也又曰文王之所以為文也其旨深矣文王之德假大而盈溢於我我當有以收之使不失墜惟在大順文王之德而已其者自期之辭收謂保其業惠謂體其德大惠則無斯須毫釐之違戾也我既以駿惠文王自勉繼自今為文王之子

孫者當世世篤厚之勿忘也去聖浸遠典刑易墜非用意篤厚不能守也

維天之命一章八句

維清奏象舞也

蘇氏曰象文王之樂文舞也

象文舞也鄭氏以象舞為象用兵時刺伐之舞如此則為武舞矣且維清象舞之樂歌舞大武之樂歌大武為武舞故武頌言勝殷遏劉之事維清不言征伐則象舞決非武舞也文王之文德至矣作樂象德乃

獨象其刺伐非其義矣。○今考鄭於禮記文王世子明堂位祭統升歌清廟下管象皆以管象為武王之舞謂周頌舞也。孔申鄭義以文王武王之舞皆名為象維清象舞為文王下管象為武王其意蓋謂清廟與管象若皆為文王不應有上下之別故耳。古樂歌者在上以人歌者皆曰升歌亦曰登歌匏竹在下以管奏者皆曰下管春官大師帥瞽登歌下管奏樂器益稷下管鼗鼓是也。清廟以人歌之自宜升象以管

奏之自宜下凡樂皆有堂上堂下之奏也

曹氏曰季札觀樂見

舞象南籥者杜預云文王樂也又見舞韶者杜預云舜樂也是象有韶韶亦有籥說者謂以竿擊人

曰籥然則執籥以舞猶干舞也執籥以舞即籥舞也文王雖大業未完而本其功德之所起可得而形容

也故作樂以象之謂之象舞祭統明堂位文王世子所謂下管象者象即象舞也鄭氏以象舞為專象刺

伐然籥非刺伐之物也籥音朔季札觀樂事見左傳襄二十九年注以象籥之籥音朔韶籥音簫皆當音

朔

維清緝熙

句。朱氏曰清清明也。王氏曰緝續也熙廣也。

文王之典

傳曰典法也。

肇禋

音兆。因。傳曰肇始也。箋。帝。迄。用。有。成。迄。欣。之。入。傳曰。迄。

也。惟周之禎。

音貞。○傳曰。禎祥也。

文王之舞謂之象以王業之興其兆已見也。此詩乃象舞之樂歌。述所以名象之意。言清緝熙者文王之典也。清則純一而不雜。緝則悠久而不已。熙則廣大而無外。三言備舉文王之聖德。而以典言之者。謂其德寓於法也。禋者王者祀天之禮也。文王有典則以貽後人。王業雖未成而禋祀之禮已肇始於此。遂至其後而有成焉。是文王之典為周之禎祥也。祥者吉。

之先見也

維清一章五句

烈文成王即政諸侯助祭也

疏曰謂周公居攝七年致政成王成王乃祭于祖有

諸侯助王之祭既祭因而戒之○蘇氏曰成王有即位有即政則周公之未嘗攝位明矣

烈文辟公

補傳曰烈言其功文言其德諸侯有爵為公者舉其爵之尊以寵之○疏曰辟公諸侯也

○今曰辟君也說命云樹后王君公后王也君公諸侯也

錫茲祉福

祉音恥○朱氏曰諸侯錫

此祉福○錢氏曰但佐文武定天下也

惠我無疆子孫保之無封靡于爾

邦

朱氏曰無封以專利無靡以傷財

維王其崇之○補傳曰維

天子之是尊

念茲戎功

傳曰戎大也

繼序其皇之

朱氏曰皇大也

無競維

人四方其訓之

李氏抑詩解曰訓效也

不顯維德百辟其刑之於

乎前王不忘

於乎音烏呼○箋曰前王文王武王黃氏曰此成王感發諸侯不盡之意

成王即政之初周興未久也其助祭諸侯往往身佐

文武以定天下者故先稱美之乃告戒之言汝有功

有德之辟公錫我以此福矣謂其夾輔以興周祚也

此豈徒目前淺近計哉蓋惠我周家以無疆之休使

我子孫世世永保之矣然相與平定之者爾諸侯之

力也其相與扶持之者尤有望於爾諸侯也爾於爾之國無封殖以專利無侈靡以傷財當維王室之是尊也念屏翰之大功其繼序之序者益思增益而皇大之世世相承無替前功也爾歸治其國在用賢修德而已莫彊守維得賢人也能得人則四方皆訓倣之莫光顯者修德也能修德則百君皆刑法之矣嗚呼如此則豈唯予寵嘉之實前王所念而不釋也○說者多以辟公為稱諸侯之祖父念茲武功為勉之

以念祖父之功今考本紀注徐廣云武王克殷二年而崩皇甫謐云武王定位元年歲在乙酉六年庚寅崩正如謐之言武王克殷纔六年又周公攝政七年共十餘年耳烈文作于成王即政之初孟津諸侯固多存者不應專戒其子孫也

詩記曰於乎前王不忘如其自唐叔以下實寵

嘉之。王氏曰先王之戒諸侯也欲其兢兢則中國強矣欲其顯顯則中國尊矣欲其四方訓之百辟刑之則各以德善胥訓胥效也內則百僚師師外則諸侯胥效則能以天下為一家中國為一人矣而先儒以謂先王不欲諸侯名譽出境是乃力征經營天下惴惴恐天下軋己之私意何足以語先王也

烈文一章十三句

天作祀先王先公也

箋曰先王謂太王以下。天保箋曰先公謂后稷至諸盤音籌又音

舟。疏曰祀先王先公謂四時之祭祠禴嘗烝時祭所及唯親廟與太祖於成王之世為時祭當太王以下上

及后稷一人而已言先公者唯斥后稷且經之所陳唯有先王之事而序并言先公者以詩人因於祭祀而作

此歌近舉王迹所起其辭不及后稷序以祭時實祭后稷故其言及之昊天有成命經無地而序言地般經無

海而序言海亦此類也

天作高山

傳曰作生也。疏曰作者造立之言故為生也。箋曰高山謂岐山也

大王荒

之大音泰。蘇氏曰荒治也。李氏曰始荒而闢之。今曰治荒為荒猶治亂為亂也。今諺言開荒即始闢

之意

彼作矣

箋曰彼彼萬民也民皆築作宮室以為常居

文王康之

箋曰康安也

彼徂矣

箋曰徂往也民之往者曹氏曰徂往歸者衆

岐有夷之行

如字王徐並去聲○

程子曰夷平也○曹氏曰昔者高山之險阻今為坦途矣○今曰夷即皇矣所謂串夷載路行猶行彼周行謂

也道路子孫保之

遷岐非得已而周乃以岐興詩人以為是非人之所能為故言此岐山天實為之也岐山本險阻荒僻之地大王始開荒而闢之彼民皆不憚遷徙之勞築作而居之矣文王從而安之彼民又皆徂往而歸之矣

作謂舊民之樂遷如百堵皆作庶殷丕作之作也徂
謂新民之歸往如其子焉往之往也歸往者日衆故
岐山昔之險阻今為平夷之路矣大王文王之業子
孫當保守而不墜也成功告神之頌多言子孫當保
守之意蓋子孫能保守則可以慰祖宗之心也

天作一章七句

昊天有成命郊祀天地也

李氏曰蘇黃門謂冬至祀天於圜丘夏至祀地於方澤據

周禮以為說東坡云昊天有成命郊祀天地也此乃合祭天地之明文

昊天有成命

曹氏曰成則不可易

二后受之

傳曰二后文武也

成王不敢

康

箋曰成此王功

夙夜基命宥密

傳曰基始也宥寬也密寧也○箋曰寬仁所以止苛刻安

靜

所以於緝熙

於音烏○王氏曰緝績也熙廣也○李氏曰緝熙當為成王

單厥心

○蘇氏曰單盡也

單音丹舊音靈

肆其靖之

今曰書凡發語肆字皆訓故○箋曰靖安也

天所以有不易之成命而文武得以受之者由其能

成此王功不敢康寧夙夜憂勤以肇基天命在於行

寬靜之政而已又嗟歎而言為子孫者當緝績而熙

廣之大盡其心庶幾可以安靖之勿墜宥密之初意

也頌者成功告神必言子孫勉力保守以慰神祇祖
考之意維天之命曰曾孫篤之天作曰子孫保之我
將曰于時保之此所謂緝熙亦成王自勉之辭舊說
以緝熙為文武味詩之意嗟歎而更端言之所謂肆
其靖之即于時保之之意其者期之之辭也非言文
武矣

昊天有成命一章七句

我將祀文王於明堂也

陳氏曰古者祭天於圓丘掃地而行事器用陶匏牲用犢其禮

極簡聖人之意以為未足以報本故於季秋之月有大享之禮焉天即帝也郊而曰天所以尊之也故以后稷配焉后稷遠矣配稷于郊亦以尊稷也明堂而曰帝所以親之也故以文王配焉文王親也配文王于明堂亦以親文王也然則郊者古禮而明堂者周制也周公以義起之也

我將我享

箋曰將猶奉也傳曰享獻也

維羊維牛

疏曰禮稱郊用特牲祭法云燔柴于

泰壇祭天用騂犢則明堂祭天亦當特牛矣而得有羊者其配之人自當用太牢也○詩記曰郊特牲云帝牛不吉以為稷牛於是知明堂用牛夏官羊人曰釁積其羊牲積柴祭天於是知祭帝用羊以父配帝則牲牢不得異食○今考釁謂維天其右之箋曰右助也下同邦器及軍器成則釁之○張子曰維天其右之不饗之儀式刑文王之典箋曰儀則也式象也○傳曰必饗之儀式刑文王之典刑法也○錢氏曰儀式刑猶

書云嚴祗敬六德也。○今日

靖四方

陳氏曰靖安也。○詩記曰於天

維庶其饗之不敢加一辭焉於文王則言儀式其典日靖四方天不待贊法文王所以法天也卒章惟言畏天

之威而不及文王者統於尊也畏天所以畏文王也天與文王一也伊嘏文王嘏音假○箋曰受福

曰既右饗之疏曰右助而散饗之○李氏曰我其夙夜天若福文王則必饗吾之祭矣

畏天之威于時保之

我所將奉我所獻享者維羊維牛而已禮之常也天其右助我而饗此乎蓋不敢必也天之所饗不在於物惟自託於文王庶幾可以格天我今儀則式象刑

法文王之典日日施之以安四方惟天惠民惟文王之典足以安民天福文王則必右助而歆饗我祭矣其右之者不敢必之辭也既右之者自必之辭也然我尤當夙興夜寐畏天之威思所以保之其敢自恃乎明堂之禮天與文王在焉成王寫其中心之誠以對越而言之也○典毛於維清傳云法也於此云常也鄭以為常道法者道之所寓其實一也

我將一章十句

時邁巡守告祭柴望也

巡守音旬狩。○疏曰：武王既定天下，巡行其守土諸侯，至于方

嶽之下，作告至之祭。柴，祭昊天望祭山川安祀百神，乃是王者盛事。周公既致太平，追念武王之業，故述其事。

而為此歌。馬宣十二年左傳云：昔武王克商，作頌曰：載戢干戈，明此篇武王事也。國語稱周公之頌曰：載戢干

戈，明此詩周公作也。○曹氏曰：諸侯為天子守土，其政之得失，民之利病，不得以周之故。天子親自巡省，焉巡

狩，必徧于四嶽，每至其方嶽之下，則燔柴升煙以告。至于其山川之遠，而不可至者，則望而祭之。書所謂至于

岱宗，柴望秩于山川是也。○朱氏曰：國語云：金奏肆夏，樊遏渠天子以饗元侯也。即春官鍾師九夏之三也。呂

叔玉云：肆夏時邁也。樊遏執競也。渠思文也。

時邁其邦

傳曰：邁行也。○箋曰：武王昊天其子之詩，記時出行其邦，國謂巡守也。

之宗子主一家者也。天之子主天下者也。時邁其邦，人神莫不受職。則昊天其子可知矣。○朱氏曰：「天其子我乎哉？」蓋不敢必也。○今日昊天其子之謂使之為王也。實右之語，意同。有天下曰天子，子之謂使之為王也。實右。

序有周

箋曰：右助也。序，次序也。○曹氏曰：「序，帝王之傳序也。」○錢氏曰：「次序者，謂以周繼夏商也。」薄。

言震之

程子曰：「薄言發語。」○傳曰：「震動也。」

莫不震疊

傳曰：「疊，懼也。」

懷柔百神

傳曰：「懷，來也。柔，安也。」○曹氏曰：「祭法云：『山林川谷丘陵，能出雲雨，見怪物，皆曰神。』有天下者，祭百神，諸侯在其地，則祭之。」

其地則祭之。亡其地，則不祭。溥天之下，莫非王土，故巡守所至者，神皆祭焉。」及河、喬、嶽。

嶽，岱宗也。○疏曰：「巡守之禮，必始於東方，故以岱宗言之。其實兼四嶽也。」允王維后。

箋曰：「允，信也。」○陳氏曰：「信乎。」明昭有周，式序在位。

箋曰：「式，用也。」○李氏曰：「序，諸侯之在位者。」

載戢干戈

戢音之入○釋文曰戢止也歛也

載櫜弓矢

櫜音羔○傳曰櫜音滔

○疏曰櫜者弓衣一名韜故內弓於衣謂之韜弓

我求懿德

懿美也

肆于時夏

箋曰肆陳也○李氏曰時夏中國也

允王保之

巡守王者之禮武王初定天下時出巡行其邦國天
其子之乎設為問辭也應之曰天實右序有周矣武
王之巡守也於諸國薄警動之諸侯莫不震懼又所
至方嶽之下懷柔羣神望祀河嶽初得天下而人神
受職此非人之所能為也天實右序之也故天下莫

不信武王之宜君天下也又應之曰天實明昭有周
矣武王之巡守也以慶罰黜陟之典序諸侯之在位
者又戢斂其干戈橐鞬其弓矢惟求懿美之德陳之
於中國既定天下而治道彰著此亦非人之所能為
也天實明昭之也故天下莫不信武王之能保天下
也既右序之又明昭之是天之子之也○右序有周
與明昭有周語意一同明昭不言實承上省文也言
天之右序有周而結之以允王維后謂膺天命而無

愧也言天之明昭有周而結之以允王保之謂保天命於無窮也結上文右序及明昭之意皆以允言之

時邁一章十五句

執競祀武王也

執競武王

箋曰執持也競彊也。李氏曰自強之心執而勿失。李無競維烈。傳曰無競也。

烈業也。李氏曰觀武王伐紂而得天下拱揖指揮雖彊暴之國莫不趨使一戎衣而天下大定則其功烈為

莫強矣。不顯成康。錢氏曰成王業安天下。李氏曰歐陽氏以成康為成王康王有室礙不通者

上帝是皇。傳曰皇美也。自彼成康奄有四方。傳曰奄同也。釋文曰盡也。

斤斤其明

斤音靳。傳曰斤斤明察也。○李氏曰言照臨四方無所不察也。

鐘鼓嗶嗶

音橫徐音皇。傳曰嗶嗶和也。

磬筦將將

筦音管將音鏘。傳曰將將集也。○錢氏曰磬之相應也。

降福穰穰

如羊反。傳曰穰穰衆也。

降福簡簡

傳曰簡簡大也。

威儀反反

如字。

○賓之初筵傳曰反反重慎也。

既醉既飽

錢氏曰主人受暇既飲福醉飽矣。

福祿來反

傳曰反復也。

能執持自強不息之志者武王也故功烈之盛天下

莫強焉豈不顯乎其成王業而安天下也上帝用是

皇美之自武王成王業安天下奄覆四方而有之其

斤斤然明察無所不至言照臨四方也今祀武王之
時鐘鼓喤喤然和磬筦將將然集而神之降福穰穰
然衆簡簡然大言樂作而神福之也祭祀之威儀反
反然重謹之祭終飲福醉飽福祿反復未艾言禮行
而神福之也

蘇氏曰凡今所以能備其禮樂脩其祭祀以受多福者皆武王之德所致也

○箋以鐘鼓磬筦為武王祭廟作樂今不從陳氏以
為祀武王其說為長

執競一章十四句

思文后稷配天也

疏曰國語云周文公之為頌曰思文后稷克配彼天是此篇周公所作

與時邁同也。○李氏曰非其餘詩乃他人所作也。蓋以國語所稱者惟此二詩知其周公所作其餘不可得而知之也。古之祭者必以其祖配之。公羊宣公三年云郊則曷為必祭稷王者必以其祖配之。公羊宣公三年云郊則配自內出者無匹不行自外至者無主不止則后稷所以配天蓋所以尊祖也。○黃氏曰生民為述事之辭思文為告神之辭此雅頌之所以異歟

思文后稷

朱氏曰思語辭也。文德也。○思解見思齊

克配彼天

曹氏曰天地能生之

而不能養之苟不得其養則亦弗克遂其立我烝民曰疏生矣惟后稷能養人故其功足以配天矣。○曹氏曰衣食足存立我天下莫匪爾極。傳曰極中也。○曹氏曰衣食足衆民之命。莫匪爾極。而後知榮辱倉廩實而後知禮

節民心固中惟爾之中而已

貽我來牟

箋曰貽遺也遺音位○釋文曰牟字書作麋或作麥○疏

曰趙岐云麋大麥也廣雅云麋小麥

帝命率育

蘇氏曰率育偏養也

無此疆爾界陳

常于時夏

朱氏曰陳其君臣父子之常道○陳氏曰時夏中國也○李氏曰后稷教民稼穡但養而

已未及教之也如舜命契敬敷五教在寬則教之者乃契之事也思文之詩推美后稷乃以陳常于時夏言者蓋無常產而有常心者惟士為能若民則無常產因無常心放僻邪侈無不為已

后稷人臣而周人推以配天疑于追崇之過此詩發

明之言德莫大於文后稷實有文德能配于天非虛

尊之也蓋民心莫不有是中而阻飢則失其常心自

后稷播時百穀存立衆民之命而後各復其受中之性
是民之中皆是后稷之中也后稷遺我民以來牟
二麥之種此乃天命后稷徧養斯民無此疆爾界之
別遂使人倫常道得陳于中國也后稷播百穀獨舉
來牟者以其先熟濟民之食尤切也天能予民以中
后稷能全民之中天以徧覆為德后稷則達天之德
推后稷以配天信無歉矣。中者民心所自有特因
后稷有以養之而勿喪耳非后稷以已之中予之而

曰莫匪爾極何也后稷之心與斯民之心同此一中
非二物也斯民既全其中則斯民與后稷同此心亦
同此理更無差別民之中即后稷之中故曰莫匪爾
極康衢所詠爾極洪範所謂汝極天保所謂爾德君
牙所謂惟爾之中其意一也

思文一章八句

詩緝卷三十二

欽定四庫全書

詩緝卷三十三

宋 嚴粲 撰

臣工之什 周頌

臣工諸侯助祭遣於廟也

譙郡張氏曰先王深知禮義之本原起於稼穡之際故其

於農事常首先天下之政諸侯助成王祭其歸而戒之以農事者由此故也先王巡守較諸侯之善惡其慶始於土地闢田野治其罰始於土地荒蕪田野不治夫惟戒諸侯之事莫急於新畬之勤制諸侯之賞罰莫先於田野土地之政則夫先王之意槩可見矣

嗟嗟臣工

傳曰嗟嗟勅之也工官也○疏曰嗟而不直

戒其身為其太斥○朱氏曰諸侯之羣臣敬爾在公曰朱氏

公凡公家之事也

王釐爾成

蘇氏曰賜爾成法也

來咨來茹

音孺○箋曰咨謀也茹度

也嗟嗟保介

箋曰保介車右也月令孟春天子親載耒耜措之于參保介之御間○疏曰措之于

參乘之人保介之與御者二人間君之車上止有御者與車右一人而已今言保介與御明保介即車右也不

勅御人偏勑車右者以御人本主御車不主輔君故專勑明其衛君車也人君左載御在中央明其遠君措之

故繫于車右因御字單言之以便受○朱氏曰保介見月令呂覽其說不同然皆為措田而言○補傳曰命臣

工以王事命維莫之春

莫音暮○朱氏曰莫春在夏正為建辰之月在周正為建寅之

保戒以民事

月然先儒謂商周雖改正朔特以是月為歲首至于朝聘烝享猶用夏正祭用仲月則春祀宜在建卯之月祭畢遣之時春已向亦又何求曹氏曰言不可捨農事而他求也如何新

畬

音餘○釋地曰田二歲曰新田三歲曰畬○箋曰畬和柔之意也○朱氏曰今既莫春矣爾之田事如何

哉於皇來牟

於音烏○箋曰皇美也○來牟解見思文將受厥明朱氏曰來牟當夏而

且將受上帝之明賜也

明昭上帝迄用康年

迄欣之入○傳曰康樂迄終也○傳曰康樂

也○今日孟

命我衆人

王氏曰諸侯之衆莫非王人○錢氏曰衆人庶民也序乃

錢鏹

序音恥錢鏹音剪博○傳曰錢鏹也鏹鏹也鏹七鏹反廣韻音挑鏹音耨乃丘反○疏曰說文云錢

鏹古田器世本云垂作鏹宋仲子注云鏹刈也刈物之器管子云一農之事必有一鉦一鏹一鏹然後成農釋

名云鐻鉤類也世本云垂作耨李巡云鉤也鐻耨當是一器但諸文或以為鐻即鉤或云鉤類古器變易未能審之

庵觀銍艾

庵如字鄭音淹銍艾音室又○傳曰銍穫也○說文曰銍穫禾短鎌

諸侯朝正於王因助祭於廟祭終而遣之不直戒其身而戒其臣之共事者以警切之爾諸侯歸其國有王事有民事臣工者諸侯之羣臣百工所與共治其國者也故以王事戒之保介者車右之士載耒耜以輔君耕藉者也故以民事戒之先嗟歎而戒臣工曰爾臣工與聞國家之政事爾其敬哉王賜爾侯國

之成法皆一定不易矣其有疑焉當來咨謀茹度於
王朝勿自專以亂章改度也此以尊王之義告之也
又嗟歎而戒保介與聞耕籍今助春祠而還既莫春
矣他又何所求乎唯農事不可緩耳爾國之新田畝
田今如何也二者皆新墾之田用力尤難故首問之
欲其土地闢田野治也於乎美哉來牟二麥夏初即
熟今已莫春將受天之明賜矣夏麥者秋稼之占也
天意昭明終必有年豈可不盡人事以承天意乎爾

歸其國命我衆農夫各具鉋鋤之器以治其田奄忽之間已觀其用短鎌以艾禾矣此以重農之意告之也

臣工一章十五句

噫嘻

音伊照

春夏祈穀于上帝也

箋曰祈猶禱也求也月令孟春祈穀于上帝夏

則龍見雩是也雩音餘○疏曰春郊夏雩以禱求膏雨而成其穀實月令仲夏大雩帝以祈穀實是雩為祈穀之明文但雩以龍見為之當在孟夏之月為月令者錯置于仲夏失正雩之月故不引之左傳稱凡祀啓蟄而郊龍見而雩郊祀上帝于南郊所以報天德而云祈穀者報其已往又祈其將來襄七年左傳云夫郊祀后稷

以祈農事故啓蟄而郊郊而後耕而郊為祈穀之事也
月令孟春元日祈穀于上帝是即郊天也後乃擇元辰
天子親載耒耜躬耕
帝藉是郊而後耕

噫嘻成王

王氏曰噫嘻歎辭○曹氏曰所謂吁

既昭假

爾

假音格○朱氏曰昭格上帝○錢氏曰爾語辭

率時農夫

箋曰時是也

播厥百穀

箋曰播猶種也○李氏曰百穀之種非一故總而言之謂之百穀

駿發爾私

駿音峻○箋曰駿疾

也發伐也○傳曰私民田也○疏曰冬官匠人云一耦之伐伐發地故云發伐也言伐者以耜犂伐此地使之

發起也言私而不及公令民知終三十里

箋曰竟三十里者一部一

吏主之周禮云凡治野田夫間有遂遂上有徑十夫有溝溝上有畛百夫有洫洫上有涂千夫有澮澮上有道

萬夫有川川上有路計此萬夫之地方三十三里步半里也言三十里者舉其成數○疏曰一夫百畝方百步積萬夫方之是廣長各百夫以百自乘是萬也既廣長皆百夫夫有百步三夫為一里則百夫為三十三里餘百步即三分里之一為少半里是三十三里又少半里也亦服爾耕箋曰服事也十千維耦箋曰一川之間萬夫故有萬耦○朱氏曰本以二人並耕為耦今乃萬人畢出而耕也

農事為王道之本故嗟歎而言之我周家以農事開國致王業之成既昭格于上帝矣今我不敢廢墜前功將率是農夫以播其百穀令疾發其私田終竟一部方三十里之地服爾耕事萬夫同時而耕吾民盡

力于田事如此天其念之祈穀之後即躬耕帝藉故
言率時農夫以張本也言駿發爾私不及公田為民
祈也

噫嘻一章八句

振鷺二王之後來助祭也

箋曰二王夏殷也其後杞也宋也○疏曰樂記稱武王伐

紂既下車封夏后氏之後于杞投殷之後于宋史記杞世家云武王克殷求禹之後得東樓公封之于杞以奉夏后氏之祀是杞之初封即為夏之後矣其殷後則初封武庚于殷墟後以叛而誅之更命微子為殷後書序云成王既黜殷命殺武庚命微子啓作微子之命是宋為殷後成王始命之也○曹氏曰必存二代之後者所

以尊其先世受命之君俾承祀而不廢且示天下公器不主于一姓使時君常以覆車為鑒兢兢然務修其德耳

振鷺于飛

傳曰振振飛貌○錢氏曰振自于彼西雖

傳曰雖澤也○箋曰西雖之澤○王氏曰西雖蓋辟

客戾止

傳曰客二王之後○疏曰諸侯之於天子雖皆有賓客之義但先代之後時王偏所尊敬特謂

之客昭二十五年左傳宋樂大心云我客於周為客卑陶謨云虞賓在位此及有瞽皆云我客有客之篇以微子

為客皆以二王之後特稱賓客也○李氏曰二王亦有

斯容

箋曰興者喻祀宋之君有潔白德來助祭于周之廟得禮之宜也其至止亦有此容蓋威儀之善如

驚然○曹氏曰驚之為物羽毛潔白而容止舒閑其譬則脩潔之君子也振者矜持修飾之意我客戾止亦有斯容則有潔白之德在彼無惡鳥路反○箋曰在彼謂居其國無怨惡之者

而能文之以禮者也

曹氏曰國人在此無斃

音亦○箋曰在此謂其來朝人皆愛敬之無厭之者○曹氏曰

安其宜弟也

周人惜其將去也○黃氏曰周公居東東方之人欲其留西方之人欲其歸是亦在彼無惡在此無斃之意

庶幾夙夜以永終譽

箋曰永長也

興也振振然羣飛之鷺集于西郊辟雖之澤其羽毛潔白容止舒閑可觀也杞宋之君於周為客皆來助祭於周廟其至此亦有此容也此杞宋之君在此國

無怨惡之者來朝在此以皆無厭之者然猶庶幾其

能夙夜敬戒以長終此美譽愛之以德也朱氏曰陳氏云在彼

不以其革其命而有惡于我知天命無常惟德是與其心服也在我不以彼墜其命而有厭于彼崇德象

賢統承先王忠厚之至也○曹氏曰微子之命云作賓于王家與國咸休永世無窮與以永終譽其成之

之意一也

振鷺一章八句

豐年秋冬報也李氏曰鄭氏謂報者嘗也燕也蘇黃門謂秋祭四方冬祭八蜡王氏則以謂祭

上帝三說不同鄭氏謂燕嘗者以詩言燕界祖妣也然燕稷祈社稷亦曰燕界祖妣豈亦祭宗廟乎至於謂秋

祭四方冬祭八蜡固是報成百穀之祭不如王氏以為祭上帝。陳氏曰噫嘻祈之於春夏豐年報之於秋冬是一體之詩也。祈曰上帝而報不言者省文也。曹氏曰秋季大享于明堂秋祭四方冬祭八蜡天地百神無所不報而同歌是詩故不言其所祭耳。

豐年多黍多稌

音杜。傳曰豐大也。稌稻也。箋曰豐年大有年也。○稌稻解見唐鵠羽。○李

氏曰天官食醫云牛宜稌鄭司農注云稌也王氏以為豐年之時或高燥而寒或下濕而暑無所不熟故所以謂豐職方氏謂雍冀之地高燥其穀宜黍荆揚之地下濕其穀宜稌是黍利高燥稌利下濕也。黍稌無所不熟亦有高廩。音凜。○什文曰廩倉也。○傳曰廩所以藏齊盛之。○疏曰禹貢百里賦納總即禾稼也。二百里鉅即穗也。此言藏穗則廩唯藏粟也。而地官廩人注云藏米曰廩者對則藏米曰廩藏粟曰倉其散即

通萬億及秬

音妙。傳曰：數萬至萬曰億，數億至億曰秬。箋曰：以言穀數多。

為酒為

醴

鄭氏禮。曹氏曰：酒正辨三酒之物，惟清酒以供祭祀。鄭氏以謂中山冬釀，接夏而成者，又辨五齊之物，惟

醴酒最濁，鄭謂成而汁滓相

將如今之甜酒也。齊音劑。

烝界祖妣音已。箋曰：烝進也。界，予也。

詩記曰：周以后稷為祖，以姜嫄為妣。然以洽百禮

解見賓之

初降福孔皆

傳曰：皆徧也。

黍宜高燥而寒稌宜下濕而暑大有之年黍稌皆熟

則百穀無不熟矣。亦有高大之倉廩其中穀數之多

有萬與億及秬也。有此黍稷以之為酒，又以之為五

齊之醴齊進於先祖先妣而祭祀所以會合其事神之衆禮百物皆所以為禮而行禮以酒為主也豐年故有此是上帝之降福無所不徧也敢忘報乎

豐年一章七句

有瞽音古始作樂而合乎祖也

箋曰合者大合諸樂而奏之。疏曰周公攝政六年

制禮作樂合諸樂器於太祖則特告太祖不因祭祀且不器奏之事也言合于太祖則特告太祖不因祭祀且不告餘廟以樂初成故于最尊之廟奏之耳此太祖謂文王也毛以為始作大武之樂。曹氏曰周人祖文王而宗武王則祖者文王之廟也

有瞽有瞽

傳曰瞽樂官也。箋曰瞽瞍也。以為樂官者目無所見於聲音審也。周禮上瞽四十人中

瞽百人。下瞽百六十人。有眡瞭者相之瞭音了。在周之庭。疏曰周之廟庭設業設虞。

○疏曰皆眡瞭設業虞解見靈臺。宗牙樹羽。傳曰宗牙上飾卷然可以

之業虞解見靈臺。宗牙樹羽。傳曰宗牙上飾卷然可以

上角。漢禮器制度云為龍頭及領口銜壁。壁下有旄牛尾。明堂位於崇牙之下。又云周之壁翬。注云周人畫翬為翬。載以璧。垂五采羽。其下樹翬於簀之角上。應

田縣鼓。縣胡涓反。傳曰應小鞀也。田大鼓也。縣周鼓也。鞀音皮。疏曰釋樂云大鼓謂之鼗。小鼓謂

之應。大射禮應鞀在建鼓東。則為應和。建鼓應鞀共文是為一器。其鼓懸之虞業明堂位云夏后氏之足鼓

殷人楹鼓。周人縣鼓。鞀磬祝圉。鞀音桃。祝音蓄。圉音築。是周法鼓始在懸。

控也。圍。榻也。控音鞞。榻若暗反。○疏曰：春官小師注：鞞如鼓而小，持其柄，搖之旁耳。還自擊，書益，授云：合止。祝敵，注云：祝狀如漆，箏中有椎，投椎于其中而撞之，敵狀如伏虎背上刻之，所以止鼓。○朱氏曰：磬石磬也。既

備乃奏

疏曰：皆設之于庭宇，既具乃使瞽人擊而奏之。

簫管備舉

箋曰：簫編小竹管如

今賁錫者所吹也。管如篴併而吹之，錫夕清反。乾，糖也。遂字又作笛。○疏曰：管謂並吹兩管也。○王氏曰：簫也。管也。尤其器之小者。○**喤喤厥聲**。○喤音橫，又音黃。○執肅言其小，所以為備也。

雖和鳴先祖是聽，我客戾止。

箋曰：我客二王之後也。○疏曰：助祭之人多矣，以二

王之後尊，永觀厥成。

朱氏曰：成樂闋也。如簫韶九成之成。○李氏曰：成猶終也。徧更而奏

焉，故謂之成。

重言有此瞽人者非一人也其瞽人皆在周之廟庭
矣乃使眡瞭為之設其垂鐘鼓之具其以板加於柎
上者業也其植者虞也其業之上齒刻為崇牙也其
柎虞之上角有置羽之飾也又有應之小鼓田之大
鼓其鼓皆縣之虞業也又有持其柄而搖之者執鼓
也又有石磬也有起樂之祝也有止樂之圉也設之
備具乃使瞽人擊而奏之也又有編竹之簫併竹之
管已備舉作之也樂聲皇皇然和皆恭敬和諧而鳴

不相奪倫先祖之神於是降而聽之於時我客至止
永觀我樂闋之成以先代之後來觀樂為盛事也

有瞽一章十三句

潛季冬薦魚春獻鮪也

箋曰冬魚之性定春鮪新來薦獻之者謂於宗廟○疏曰冬言

季冬春亦季春也月令季春薦鮪于寢廟天官漁人春獻王鮪冬言薦春云獻者皆謂子孫獻進于先祖其義

一也冬則衆魚皆可薦故總稱魚春唯獻鮪而已故特言鮪冬寒魚不行孕性定而肥充月令季冬乃命漁師

始漁天子親往乃嘗魚先薦寢廟言春鮪新來者陸璣云河南鞏縣東北崖上山腹有穴舊說云此穴與江湖

通鮪從此穴而來比入河西上龍門入漆沮

猗與漆沮

音醫余七趨也。箋云猗與嘆美之辭猶言美哉也。○傳

曰漆沮岐周之二水也。○疏曰漆沮自幽歷岐周以至

豐鎬以其薦獻所取不宜速于京邑故不言幽言岐周

者鎬京去岐不遠故繫而言潛有多魚之王氏曰潛言取

之○漆沮有考見縣正解

曰王氏以為潛藏之潛故言取之深也。○解頤新語曰

魚喜潛。○今考傳云潛樛也什文云魚之所息謂之樛

借樛也謂積柴水中令魚依之止息因有鱸有鮪旗鮪音

而取之也今不從樛素感反樛疏陰反

音委。○碩鮪鮪音條當偃里。○箋曰鮪白鮪也

解並見碩人鮪魚鯉魚。○山陰陸氏曰鮪形狹而長若

條然魚性浮似鰭而白以享以祀以介景福

○鰭鯉鯉並解見魚麗

歎美此漆沮岐周之二水於其深潛之處有此多魚

有鱣有鮪有似鱣之鰈有鱣揚有似鮪之鰈有
三十六鱗之鯉我取之以獻享以祭祀而神明饗之
助以大福也言魚以見萬物衆多猶魚麗也魚麗當
文武之時頌聲未作故云可以告神而已潛則告神
之樂歌也

潛一章六句

雝禘太祖也

禘音第大音泰。箋曰禘大祭也。大于四時而小于祫。○李氏曰鄭氏以為大于四

時其說固是。以為小于祫則非矣。禘之祭則大于祫。天子之祭有祫有四時之祭。諸侯之祭則有祫有四

時之祭至于郊禘則非所當講也按春秋書大事于太廟大事者必禘也有事于太廟有事者必四時之祭也禘于太廟不言禘而謂之大事四時之祭不斥其名而曰有事言諸侯之事也郊禘非諸侯之祭故斥其名以見其僭也觀此則禘大于禘可知矣○劉氏曰先王重宗廟之享為踈數之制春祠夏禴秋嘗冬烝四時之祭厚矣以為未也於是三年之禘祭未毀廟之主皆升合食于太祖祭之所及可謂衆也又以為未也於是五年之禘祭審諦昭穆以及其祖之所自出祭之所及可謂遠矣○陳氏曰周之大祖則后稷也禘其祖之所自出者若稷之所自出者譽於周無廟故禘于太祖又遷羣廟之主以配之若禘則既遷之主皆得合食于太祖之廟焉禘禘之義如斯而已○朱氏曰祭法周人禘嘗周之太祖即后稷也禘嘗於其廟以后稷配所以謂禘其祖之所自出以其祖配之是也

有來雖雖

箋曰雖和也

至止肅肅

箋曰肅肅敬也

相維辟公

相去聲辟音璧

○傳曰相助也○辟公解見烈文

天子穆穆

穆穆解見文王○王

於薦

廣牡

於鄭如字王音烏○箋曰薦進也○傳曰廣牡碩大肥腴之謂也

相予肆

祀

朱氏曰陳也假哉皇考

假如字毛音暇○箋曰皇考斥文王也

綏予

孝子宣哲維人

朱氏曰宣通也哲知也

文武維后

蘇氏曰大哉皇考之安我也其

臣宣哲其

燕及皇天

傳曰燕安也○朱氏曰安人以及于天

克昌厥後

昌大也○蘇氏曰周人以諱事神文王名昌而此曰克昌厥後何也曰周之所諱不以其名號之耳不遂廢其

文也諱其名而廢其文者周禮之末失也○李氏曰周人所謂以諱事神者如稱文王則不斥曰文王昌如此

而已書之所稱惟有道曾孫周王發但曰元孫某史官不敢斥其名故也如穆王名滿而當時亦有王孫滿襄王名鄭而當時亦有衛侯鄭魯武公名敖而後世之臣有公孫敖觀此則知此詩言克昌厥後嚮嚮之詩言駿發爾私昌文王之名也發武王之名也皆未嘗諱孔子作春秋如匡王名班而春秋亦書曹伯班簡王名夷而春秋亦書晉侯夷

考

傳曰烈考武王也○疏曰洛誥云烈考武王弘朕恭

亦石文母

傳曰文母太姒也

吾皆未嘗為之諱綏我眉壽介以繁祉箋曰繁也既右烈

有從彼國而來雖雖然和既至於此肅肅然敬者是助祭之君公諸侯也是時天子之容穆穆然敬而和於我薦進大牡牲之時其辟公助我肆陳祭祀之饌

言得天下之歡心以奉其先王也此由先王之德使然於是贊美大哉皇考文王綏安于孝子以已成之業其臣宣通明哲其君有文武之德故能安人以及于天昌大其子孫而安祐於我使得秀眉之壽助以繁多之福也此又見右助於光烈之考武王及見右助於有文德之母大姒故也○古注以皇考為文王烈考為武王朱氏從之王氏以皇考為武王烈考為文王詩記從之李氏則以皇考烈考皆稱其

祖三說不同今考祭法父曰考祖曰王考曾祖曰皇考高祖曰顯考此說天子諸侯大夫廟制其實考者祖父之通稱也康誥云丕顯考文王酒誥云穆考文王顯考穆考皆明稱文王也洛誥既明稱烈考武王載見始見乎武王廟而言率見昭考則烈考昭考皆稱武王也武王無競維烈故稱烈考猶商稱湯為烈祖文王當穆故武王當昭也唯皇考通稱文王武王此詩後稱烈考為武王則皇考稱文王矣閔予小子

言皇考能念皇祖訪落言皇考能紹文王之直道則
皇考又皆稱武王矣

雖一章十六句

載見

賢之去

諸侯始見乎武王廟也

載見辟王

傳曰載始也。○補傳曰諸侯始見謂成王初即政也。○箋曰君王謂成王也。

曰求

厥章

宋氏曰章法度也。○補傳曰諸侯始見則欲求其法度而謹守之。

龍旂陽陽

龍旂解見

出車。○曹氏曰陽陽色之鮮明也。○今日我朱孔陽。

和鈴央央

於良反徐音英。○傳曰和在軾前鈴

在旂上。○疏曰和亦鈴也。釋文云有鈴曰旂郭璞云懸鈴于竿頭央央然有音聲。○曹氏曰臧哀伯云錫鸞和

鈴昭其聲也杜預云鸞在鑣和在衡鈴在旂動皆有聲然此乃田車耳若乘車則鸞在衡和在軾錫音揚馬面

當絳革有鶴絳音條鶴音鉶○絳革解見蓼蕭○箋曰鶴金飾貌休有烈光朱氏曰休

美也○李氏率見昭考昭如字○訪落箋曰昭明也○曰烈大也朱氏曰廟制太祖居中左昭右

穆周廟文王當穆武王當昭故書稱穆考文王而此詩及訪落皆謂武王為昭考也○今考小宗伯辨廟祧之

昭穆古注昭音韶朱氏中庸章句如字以孝以享傳曰享以介眉壽永言

保之思皇多祐李氏曰與思皇多士烈文辟公解見烈

綏以多福俾緝熙于純嘏箋曰純大也

諸侯始見成王以其初即政欲求法度以歸而遵守

之也其所建交龍之旂陽陽然鮮明其軾前之和與
旂上之鈴央央然有音聲其轡首鶴然以金為飾其
來朝之車服如此見成王得萬國之驩心為國之光
華故休美而有太光也成王於是率之以見昭考武
王以致其孝敬以行其獻享以助我受福而得秀眉
之壽長保享之美哉多福如此皆爾有功有德之諸
侯以時助祭而致之是安我以多福使之緝績熙廣
于大福也

載見一章十四句

有客微子來見祖廟也

見賢之去。曹氏曰：微子啓紂之諸兄，封於微，而爵為子微，蓋

商畿內國名。○疏曰：不言所祭之名，不指所在之廟，無得而知之也。

有客有客

疏曰：客止一人，而重言有客有客，是丁寧殊異，以尊大之也。○李氏曰：按左傳云：宋先代

之後於周為客

亦白其馬

李氏曰：商人尚白，故微子來朝而乘白馬。檀弓云：殷人戎事乘翰，翰白色。

馬也。以戎事乘之，則微子亦乘白馬也。文王之詩云：殷士膚敏，裸將于京。厥作裸將，常服黼。皐則，是殷人助祭

所服之冠也。微子助祭，故亦乘其白馬。蓋其一代之所尚，雖已易代矣，而其臣猶服其冠乘其馬也。翰，平去二

音

有妻有且

妻音妻，且音取。傳曰：妻且敬慎貌。

敦琢其旅

敦音堆，徐又音彫，琢音卓。

○曹氏曰旅微子之卿大夫也

有客宿宿

傳曰一宿曰宿

有客信信

傳曰再宿曰信言

授之繫

音執。傳曰欲執其馬而留之。箋曰繫絆也。絆音半。

以繫其馬薄言追

之

箋曰追送也。疏曰餞送之。

左右綏之

箋曰左右之臣又欲從而安樂之厚之無已。○疏曰

與之驩燕以安樂其心

既有淫威

補傳曰天道福善禍淫王者體天而行賞罰使淫人懼焉善人

勸降福孔夷

傳曰夷易也易音異。○什方張氏曰自管蔡以武庚祿父叛周公誅之故於微子之

來見也則告之曰昔者既有淫威矣而今也降福孔夷蓋逆順之理如此凡吾之威福非苟而已也

微子殷代之後於周為客重言有客者喜之也仍殷

之舊乘其所尚白色之馬見不純臣之也又威儀姜

萋且且然敬謹者乃其隨行之衆如敦琢之金玉然稱其衆臣之有文則其主之賢可見猶杜詩云侍立小童清也微子宿而又宿信而又信樂其留之久也授之繫絆以繫其馬懼其去之速也蓋至於行有日矣又餞送之左右之臣相與飲酒以安樂之殷勤無已也昔紂武庚為亂我周既有罰淫之威今錫福於微子則又甚易而不吝此以見微子之賢而且示吾之威福一出於公也。○今考棧樸傳云追雕也金曰

雕玉曰琢箋引周禮追師掌追衡筭則追亦治玉與
毛異義追敦同音則此敦琢毛亦分金玉矣以敦琢
併為治玉自是箋義非傳意也

有客一章十二句

武奏大武也

疏曰謂周公攝政六年之時象武王伐紂之事作大武之樂既成而於廟奏之經之

所陳皆武王生時之功也明堂位云周公攝政六年制禮作樂以武王用武除暴為天下所樂故謂其樂為武

樂○朱氏曰春秋傳以此為大武之首章也

於皇武王

於音烏○蘇氏曰皇大也

無競維烈

傳曰烈業也

允文文王克

開厥後嗣武受之

錢氏曰嗣武繼之以武

勝殷遏劉

箋曰遏止也○傳曰劉殺

也

耆定爾功

耆音指鄭音其○傳曰耆致也○箋曰耆老也年老乃定女之初功

武王以武功定天下故樂名大武此武頌大武之樂

章發明武王之功言於乎大哉武王有莫彊之功烈

也信乎文王有文德以開其後人之基緒矣然殷虐

未除則文王之文德未能盡達於天下故必得武王

繼之以武而受之伐紂以止殺然後致定其功所以

歸重武王之功明非武王之武無以成文王之文也

武頌言文王之德不可無武王之功為奏大武而言
之維清言周之成功皆本於文王之德為奏象舞而
言之各有攸當也

武一章七句

詩緝卷三十三